




Հայկական գիտահետազոտական հանգույց
Armenian Research & Academic Repository



Սույն աշխատանքն արտոնագրված է «Մտեղծագործական համայնքներ
նչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

351.75

Հ-99

Պրովետարներ բոլոր յերկրների, միացե՛ք.

ՀՐԱՀԱՆԳ

ԹԱՂԱՅԻՆ ՀՍԿԻՉԻՆ



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՐԱԴԱՐԱՆ

ԵՐԵՎԱՆ

1926

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՐԱԴԱՐԱՆ

ԵՐԵՎԱՆ

1926

11 MAR 2010

351.75
7-99

պ.
Պրովետարներ բոլոր յերկրների, միացե՛ք.

ՀՐԱՀԱՆԳ ԹԱՂԱՅԻՆ ՀՍԿԶԻՆ

1003
13906



ՀՐԱՏԱՐԱԿՈՒԹՅՈՒՆ Ն. Գ. Ժ. ԿՈՄԻՍԱՐԻԱՏԻ

ՅԵՐԵՎԱՆ

1926

14 JUN 2013

39 475

«ՀԱՍՏԱՏՎՈՒՄ Ե»

Ներքերոժողկամ Հ. ԴՈՒԴԱՐՑԱՆ
Հանրմիլպետ Ա. ԲԵՐԲԵՐՅԱՆ

« 1 » Մարտի 1926 թ.

Գ Լ Ո Ւ Մ I.

ԸՆԴՀԱՆՈՒՐ ԿԱՆՈՆՆԵՐ

1. Թաղային հսկիչը Միլիցիայի պաշտոնյա
ե, վորի հսկողությանը և պահպանմանն ե հան-
ձնված քաղաքի կամ քաղաքատիպ բնակավայրի
վորոշ թաղը:

Թաղային հսկիչն իրեն հանձնված թաղի
սահմաններում պարտավոր ե՝

ա) հսկել, վոր մասնավոր մարդիկ և պաշ-
տոնատար անձինք կատարեն Խորհրդային Իշ-
խանության հրատարակած հեղափոխական
կարգի պահպանման, հասարակական և անձ-
նական ապահովության ու բարեկարգության
վերաբերող որենքները, պարտադիր վորոշում-
ները և կարգադրությունները,

բ) հայտնաբերել, կասեցնել և վերջ տալ
քրեական հանցագործությունները և հեղա-
փոխական կարգի, ապահովության և բարե-
կարգության խախտումները, Միլիցիայի ծա-
ռայության կանոնադրության և Միլիցիայի

ՏՐԵՍՏԻ ԱՌԱՋԻՆ ՏՊԱՐԱՆ

Դրառ. 398 ք. Պատվեր 2742 Տիրաժ 300

որդանների կողմից կատարվող հետաքննութ-
թյան կանոնների սահմաններում,

գ) համաձայն գոյություն ունեցող որենք-
ների և պարտադիր վորոշումների, ոժանդակել
պետական հիմնարկություններին յեվ պաշտո-
նատար անձանց կատարելու իրենց վրա դր-
ված պարտականությունները,

դ) ոժանդակություն յեվ ոգնություն ցույց
տալ քաղաքացիներին այն սահմաններում,
վորպիսիք մտնում են նրա պարտականու-
թյունների մեջ, վորպես Միլիցիայի պաշտոնա-
տար անձի:

3. Թաղային հսկիչը սույն հրահանգի հոդ-
ված 2-ով իր վրա դրված պարտականություն-
ների կատարման ժամանակ անշեղ կերպով
առաջնորդվում է. — կենտրոնական յեվ տեղա-
կան իշխանություն իր պարտականությունները
վորոշող որենքներով և կարգադրություններով,
Միլիցիայի ծառայություն կանոնադրությամբ,
պահակային միլիցիոնների հրահանգով, Մի-
լիցիայի որդանների հետաքննություն կատարե-
լու կանոններով յեվ սույն հրահանգով:

4. Թաղային հսկիչն անմիջականորեն
յենթարկվում է քաղաքաժառի Միլիցիային յեվ
նրա ոգնականին ու կատարում է նրանց բոլոր
որինական կարգադրությունները յեվ հրաման-

ները: Յեթե քաղաքի կամ քաղաքատիպ բնա-
կավայրի միլիցիան մասերի չի վերածված, ապա
թաղային հսկիչն անմիջականորեն յենթարկ-
վում է այդ քաղաքի կամ քաղաքատիպ բնա-
կավայրի Միլիցիայի պետին:

5. Թաղային հսկիչն իր պարտականություն-
ների կատարման ժամանակ պիտի հագնված
լինի սահմանված արագով, միանգամայն կանո-
նավոր վիճակում կրի իրեն հատկացրած զեն-
քը: Նույնպես յեվ ունենա սուրիչ ու ծոցատե-
տըր, թաղին վերաբերյալ բոլոր տեղեկություն-
ներով:

6. Թաղային հսկիչը լավ ծանոթ պիտի լինի
ա) քաղաքի հատակագծին,

բ) այն քաղաքաժառի սահմանների մեջ
մտնող փողոցներին, նրբանցքներին, հրապա-
րակներին, ուր ծառայում է ինքը,

գ) իր հսկողությամբ հանձնված թաղին
հարակից թաղաժառերին յեվ այդ թաղաժա-
ռերում յեղած միլիցիական պահակատեղերին,

դ) մոտակա զինվորական մասերի, Արտա-
կարգ Հանձնաժողովի բաժինների յեվ Քրեյա,
կան հետախուզա-
թյան հիմնարկների տեղերին-

յե) մոտակա հրդեհաշիջ կետերին,

զ) մոտակա դեղատների, հիվանդանոցների,
ապաստարանների, ծննդաբերական տների

տեղերին յեվ մոտակայքում ապրող բժիշկներին ու մանկաբարձուհիներին բնակատեղերին:

ե) քաղաքամասի սահմաններում գտնվող հանրային վայրերին՝ թատրոններին, ճաշարաններին, գինեաներին, թեյարաններին, կինոներին յեվ այլն,

ը) քաղաքամասի սահմաններում գտնվող պետական յեվ հասարակական հիմնարկություններին, արհմիություններին, կուսկոմիտեներին, կրոնական հաստատություններին յեվ այլ հասարակական կազմակերպություններին, նույնպես յեվ պետք է ճանաչի դատախազին յեվ նրա ոգնականներին, քննիչներին, ժողդատավորներին, ինչպես յեվ աշխատանքի, բնակարանային, ֆինանսական յեվ սանիտարական տեսուչներին:

Շ. Իր հսկողությանն հանձնված թաղամասում թաղային հսկիչը քաջ ծանոթ պլտի լինի՝

ա) թաղմասի բնակչության և թաղմասում յեղած տների թվին,

բ) բնակելի և անբնակելի շենքերի գավիթների և հետագավիթների դասավորությանն ու նրանց առանձնահատկություններին,

գ) շուկաներին, նույնպես և առևտրական, արդյունաբերական և գործարանային ձեռ-

նարկություններին և ձեռքի վրա առևտուր անելու թույլատրած վայրերին,

դ) առանձին տների բնակչության կազմին և նրանց զբաղման տեսակներին,

յե) տնային վարչությունների կազմին, ինչպես և դռնապաններին ու պահապաններին,

զ) միլիցիական պահակատեղերի վայրերին և դռնապանների ու պահապանների հերթապահության կետերին:

8. Թաղային հսկիչն իրեն հանձնված թաղի ընդհանուր հսկողության և իր վրա զբված պարտականությունների հաջող կատարման համար պետք է թե գիշեր ու թե ցերեկ ժամանակ, ըստ հնարավորի հաճախ, շրջագայի թաղամասում, գիշերային շրջագայության ժամանակ պահակային միլիցիոներների պահակային զրքույկում նշանակելով շրջագայության ժամը և ստորագրելով:

9. Շրջագայության ժամանակ պահակային միլիցիոներների, դռնապանների և պահապանների իրենց պաշտոնի կատարման մեջ անձըշտություններ և անկանոնություններ հայտնաբերելու դեպքում, թաղային հսկիչը նրանց համապատասխան ցուցմունքներ է անում, առաջնորդվելով այդ մասին գործադրվող հրահանգներով և կանոններով:

10. Թաղային հսկիչները, գործելով ամեն մեկն իր թաղի սահմաններում, պետք է միմի-անց հետ մշտական հաղորդակցության մեջ լինեն և փոխադարձ ոժանդակություն ցույց տան միմիանց, իրենց պաշտոնական պարտականությունները կատարման ժամանակ:

11. Թաղային հսկիչը գործում է իր թաղի վորոշակի սահմաններում, բայց ականատես լինելով կատարված հանցագործության, պարտավոր է իր վրա դրված պարտականությունները կատարել նաև իր թաղից դուրս: Բացի դրանից, հանցագործին հետադնդելիս և հետախուզությունը շարունակելու անհրաժեշտության դեպքում, թաղային հսկիչը չի դադարեցնում իր պաշտոնատարական գործողությունները մինչև հանցագործին ձերբակալելը կամ հետախուզությունն ավարտելը և կամ մինչև իրեն կփոխա-րինե Միլիցիայի կամ Քրեյական հետախուզության տեղական կամ այլ աշխատակիցը: Նմանապես և թաղային հսկիչը, յեթե դեկավարում է տարերային փորձանքների առաջն առնելու համար ձեռնարկված միջոցները, շարունակում է իր գործունեությունը նաև իր թաղի սահ-մաններից դուրս, մինչև տեղական Միլիցիայի ներկայացուցչի գալը:

12. Թաղային հսկիչները հերթով, քաղա-

քամասի պետի սահմանած կարգով, քաղաքա-մասում կրում են հերթապահություն:

Բացի քաղաքամասում պահակ կանգնելուց, թաղային հսկիչներին կարող են ժամանակավո-րապես հանձնվել պահակային ծառայություն մեծ շարժում ունեցող փողոցներում, հրապարակ-ներում:

Պահակային պարտականություններ կատա-րելու դեպքում թաղային հսկիչն առաջնորդվում է սույն հրահանգով և պահակային միլիցիոնների հրահանգով, իսկ քաղաքամասում հերթապահություն անելիս՝ միլիցիայի ներքին ծառայության կա-նոնադրությամբ և սույն հրահանգով:

13. Պահակություն և հերթապահություն կատարելիս կամ շրջապայելիս, թաղային հսկի-չը զեկուցում է քաղմասի պետին՝

ա) աչքի ընկնող դեպքերի մասին անմիջա-պես (հրդեհի, նույնպես և ցույցերի, մի-տինգի դեպքում, յեթե վերջիններին համար հատուկ թույլատվություն չկա),

բ) պահակային միլիցիոնների, դռնապանների և պահապանների կողմից իրենց պարտակա-նությունների կատարման ժամանակ թույլ տված անճշտությունների և անկանոնություն-ների (յեթե այդպիսիք եյական են և կրկն-վում են) և իր արած ցուցմունքների մասին,

դ) իշխանավոր անձանց կողմից իրեն ա-
րած նկատողությունների և ցուցմունքների
մասին:

14. Իր պաշտոնական պարտականություն-
ների կատարման ժամանակ թաղային հսկիչը
պետք է խստորեն պահպանի որենքով սահման-
ված կարգը, քաղաքացիներին անհանգստացնող
գործողություններ թույլ տալով միայն այն
դեպքերում, յերբ այդպիսիք անպայմանորեն
անհրաժեշտ են իր պարտականությունների կա-
տարան համար:

15. Թաղային հսկիչը կարող է մասնա-
վոր բնակարաններ մտնել միայն նստրե հիշված
դեպքերում. —

ա) հանցագործին հետապնդելիս, թարմ
հետքերով, յեթե նա թազնվել է վորևե մե-
կի բնակարանում,

բ) յեթե վորևե մեկի բնակարանում հան-
ցագործություն է կատարվել կամ կատար-
վում,

գ) բնակարանում հանրային խաղաղություն-
նը խախտելու դեպքում,

դ) պաշտոնական թղթերի կատարման և քա-
ղաքացիներին զանազան պահկություններ
կրելու հրավիրելու դեպքում,

յե) բնակարանների տերերի խնդրանք,

իրենց որինական ոժանդակություն ցույց
տալու համար,

զ) յերբ անհրաժեշտ է խուզարկություն
կատարել:

16. Քաղաքացիներին դիմելիս, թաղային
հսկիչը պետք է քաղաքավարի լինի, նրանց դի-
մի «դուք» — ով և իր պաշտոնական պահանջնե-
րը ներկայացնի հանգիստ, բայց հաստատակամ
և վճռական: Թաղային հսկիչը, յերբ քաղաքա-
ցիք նրա պաշտպանությունն են դիմում, պար-
տավոր է գնալ դեպքի վայրը, նրանց պաշտ-
պանելու գործադրվող հանցագործություններից:

17. Յերբ թաղային հսկիչը անկարող է լինում
իր պարտականությունները կատարել սեփական
ուժերով կամ պահակային միջոցների, դռնա-
պանների և պահապանների ոգնությունը, իրա-
վունք ունի քաղաքացիներից ոժանդակություն
պահանջել. —

ա) դադարեցնելու իր հայտնաբերած հան-
ցագործությունը կամ կարգի խախտումը,

բ) ձերբակալման յենթակա անձանց հետա-
պնդելու, յեթե այդպիսիք թազնվում են ի-
րենից,

գ) ձերբակալված անձանց քաղաքամաս
ուղեկցելու,

դ) ինչպես իրեն, նույնպես և այլ պաշ-

տոնատար անձանց ոժանդակութիւնն ցույց տալու, յեթե իր պարտականութիւնները կատարման ժամանակ դիմադրութեան ե հանդիպում,

յ) հանցագործութիւններէից, տարերային փորձանքներէից կամ դժբախտ դեպքերէից վնասվածներին, հիվանդ մանուկներին և հատուկ խնամքի կարոտ անձանց ոգնութիւնն ցույց տալու և մինչև մատնանշված վայրն ուղեկցելու,

զ) շտապ հաղորդագրութիւններ առաքելու,

ե) խուզարկելի վայրը շրջապատելու և պահանջելու:

18. Քաղաքացիներէից ոգնութիւնն և աջակցութիւնն ստանալու (հոդ. 17) անհրաժեշտութեան դեպքում, թաղային հսկիչն առաջին հերթին դիմում ե պատահարի վայրում գտնվող կամ մոտից անցնող զինվորականներին և իրեն անձնապես ծանոթ ու վստահելի անձանց:

19. Բացի հոդ. 17-ում հիշատակված դեպքերէից, թաղային հսկիչն իրավասու յե քաղաքացիներէից աջակցութիւնն խնդրել վորպես ընթերակներ խուզարկութիւններէի, հանուկների, զննումների և զանազան արձանագրութիւններ կազմելու դեպքում:

20. Թաղային հսկիչն իրավասու յե աջակ-

ցութիւնն պահանջել կառապաններէից և վարձու ավտոմոբիլներէի շփֆերներէից՝

ա) մատնանշված հասցեով փոխադրելու հանկարծամահներին, ծանր հիվանդներին, ծննդկաններին և հանցագործութիւններէից կամ դժբախտ պատահարներէից վնասված անձանց,

բ) քաղաքաժառ փոխադրելու խիստ հարբած վիճակում գտնվող անձանց,

դ) ձերբակալման յենթակա անձանց հետապնդելու:

21. Թաղային հսկիչը, իր պարտականութիւններէի կատարման ժամանակ, իրավասու յե զենք գործածել՝

ա) իր վրա յեղած զինված հարձակման կամ իր որինական պահանջներին զինված դիմադրութիւնն ցույց տալու դեպքում,

բ) պաշտպանվելու իր վրա կատարած հարձակումից, թեկուզ և վոչ զինված, բայց վորն սպառնում ե նրա կյանքին, առողջութեանը, ազատութեանը կամ նպատակ ունի փախցնել իր ուղեկցած ձերբակալվածին կամ խել ծառայութեան բերմամբ իր մօտ գտնված գույքը, դրամը, թղթերը կամ զենքը՝ յեթե պաշտպանման այլ միջոց հնարավոր չե:

դ) ուրիշներին պաշտպանելու հարձակու-

մից, վոր սպառնում ե նրանց կյանքին, առողջությանը, անձի անձեռնմխելիությանը, յեթե պաշտպանության այլ միջոցների գիմելու հնարավորություն չկա,

գ) արգելելու ուրիշի գույքին բռնի կերպով տիրանալը, յեթե այդ բռնությունն այլ միջոցներով արգելել հնարավոր չէ,

յե) հանցագործին և կալանքից փախած կալանավորներին ձերբակալելու, յեթե նրանց ձերբակալումն հնարավոր չէ առանց զինքի գործադրության:

22. Հրահանգի հողված 21-ի «յե» կետում ցույց տված դեպքում, թաղային հսկիչը, զենքը գործածելուց առաջ, այդ մասին նախազգուշացնում ե կանչելով, ըստ վորում ձեռք ե առնում իրենից կախված բոլոր միջոցները, վորպեսզի զենքի գործածության ժամանակ կողմնակի անձինք չառուժեն:

23. Ձենք գործադրելու բոլոր դեպքերի մասին թաղային հսկիչը զեկուցում ե քաղաքամասի պետին, մատնանշելով գործադրած փափուշտի թիվը:

Յեթե զենքի գործադրության հետևանքը յեղել են սպանվածներ կամ վիրավորներ, թաղային հսկիչն այդ մասին անմիջապես արձանագրություն ե կաղմում՝ մանրամասն նկարա-

դրելով դեպքի հանգամանքները, ցույց տալով սպանվածների յեվ վիրավորների թիվը, մատնանշելով նրանց ինքնությունը: Հիշյալ արձանագրությունն անհապաղ ներկայացնում ե քաղաքամասի պետին:

ԳԼՈՒԽ II.

ԹԱՂԱՅԻՆ ՆԱԳԻ ՊԱՐՏԱԿԱՆՈՒԹՅՈՒՆՆԵՐԸ ՇԵՂԱՓՈԽԱԿԱՆ ԿԱՐԳԻ, ԱՊԱՀՈՎՈՒԹՅԱՆ ՅԵՎ ԲՍԵԿԱՐԳՈՒԹՅՈՒՆ ՊԱՀՊԱՆԵԼՈՒ ՎԵՐԱԲԵՐՅԱԼ

24. Թաղային հսկիչը, քրեյական հանցագործությունների և հեղափոխական կարգի, ապահովության և բարեկարգության խախտման առաջն առնելու և կանխելու նպատակով՝

ա) ըստ հնարավորի հաճախակի շրջագայում ե տները և ստուգում բնակվողների ինքնությունը, ըստ տնային գրքերի, հայտնաբերելով չարձանագրված և համապատասխան փաստաթղթեր չունեցող անձանց,

բ) տեղեկություններ ե ժողովում, իր թաղամասի սահմաններում, բոլոր կասկածելի վայրերի և անձանց մասին, նրանց վրա հրակողություն ե սահմանում և նկատած յերեվույթների մասին զեկուցում քաղաքամասի պետին,

գ) թույլ չի տալիս հանցագործություններ ձեռք բերած կայքի վաճառք և փոխանակություն շուկաներում, աճուրդներում, գինեմաներում, թեյարաններում ու նման այլ հաստատություններում և միջոցներ է ձեռք առնում հայտնաբերելու այդպիսի կայքի վաճառքով զբաղվողներին, վորոնք այդ գործն իրենց արհեստն են դարձրել,

դ) ներկա յե լինում փողոցներում և հրապարակներում տեղի ունեցող ժողովրդական մագսայական ամեն տեսակ համախմբումներին:

25. Թաղային հսկիչը, դատական վորոշումներն ի կատար ածելու կարգով, հսում է, վոր թաղի սահմաններում չբնակվեն այնպիսի անձինք, վորոնց, դատական վորոշումով, տվյալ վարերում բնակվելն արգելված է:

26. Հանցագործությունները և խախտումները կանխելու և վերացնելու նպատակով, թաղային հսկիչն իրավասու չէ քաղաքացիներին որինական կարգը պահպանելու վորոշակի պահանջներ ներկայացնել, նրանց անիրադեկություն գեպրում, բացատրելով որենքի պահանջները:

27. Թաղային հսկիչն բացառիկ դեպքերում միայն թույլ է տրվում քաղաքացիներին քա-

ղաքավաս կանչել, որինական կարգը պահպանելու պահանջ ներկայացնելու համար:

28. Հանցագործությունները և խախտումները հայտնաբերելու և մեղավորներին դատական կամ վարչական կարգով պատասխանատվության յենթարկելու նպատակով, թաղային հսկիչը պարտավոր է՝

ա) ընդունել քաղաքացիներին և պետական ու հասարակական հիմնարկությունների բերանացի և գրավոր հայտարարություններն իրենց նկատած հանցագործությունների ու խախտումների մասին, ինչպես և հանցագործությունից վնասված անձանց դիմումները,

բ) կազմել արձանագրություն իր հայտնաբերած հանցագործությունների, խախտումների, ինչպես և իր որինական պահանջներն ու կարգադրությունները չկատարելու մասին,

գ) ճշտել կասկածելիներին և խախտողների ինքնությունը,

դ) քաղաքամասի պետի կարգադրությամբ, իսկ հատուկ դեպքերում, ըստ կարեվորություն, նաև իր նախաձեռնությամբ, կատարված հանցագործությունների և խախտումների մասին հարցաքննություն կատարել:

29. Հողված հիշատակ-



ված հանցագործությունների և խախտումների մասին կազմելիք արձանագրությունը թաղային հսկիչը կազմում է անմիջապես, հանցագործություն կամ խախտում հայտնաբերելիս, առաջնորդվելով արձանագրություն կազմելու կարգի հրահանգով (հավելված № 1):

30. Թաղային հսկիչն իր կազմած արձանագրությունը կարգում է բոլոր հարցաքննվողներին, վորոնք իրավունք ունեն պահանջել արձանագրության մեջ մտցնել իրենց բացատրություններն ու հայտարարությունները:

Յեթե կասկածվողը կամ հարցաքննության յենթարկվողներից վորևե մեկը հրաժարվում է ստորագրել արձանագրությունը, թաղային հսկիչն այդ հանգամանքը մտցնում է արձանագրության մեջ, ցույց տալով հրաժարվելու պատճառները: Յեթե արձանագրությունը կազմվում է կասկածվողի կամ խախտողի բացակայությամբ, թաղային հսկիչն այդ մասին հիշատակում է արձանագրության մեջ:

Կազմած արձանագրությունը թաղային հրահսկիչն առանց հապաղման ներկայացնում է քաղաքամասի պետին:

31. Կասկածի յենթարկվածի կամ խախտողի ինքնությունը ճշտելու համար, թաղային հսկիչը պարտավոր է պահանջել նրանից ներ-

կայացնելու համապատասխան փաստաթուղթ: Նման փաստաթուղթ կարող է ծառայել՝

ա) Ներքին Գործոց Ժողովրդական կոմիտեի ահմանած ձեվի անձնագիրը,

բ) կասկածվողների կամ խախտողի մոտ յեղած վորևե փաստաթուղթ, որված պետական հաստատություններից կամ արհեստակցական միություններից, համապատասխան ստորագրություններով և կնիքով, վորի մեջ ճիշտ հիշատակված է նրա ազգանունը, աշխատավայրը, ծառայության վայրը կամ բնակավայրը:

31. Յեթե կասկածվողը կամ խախտողը չունենա հոգ. 30-ում ցույց տված փաստաթուղթը կամ ներկայացրած փաստաթուղթն անճիշտ լինին, կամ ժամանակն անցած և կամ կասկած հարուցող, ապա թաղային հսկիչը նրան հրավիրում է գնալ քաղաքամաս ճշտելու ինքնությունը. հրաժարվելու դեպքում, այդպիսիներին տանում է հարկադրաբար:

33. Թաղային հսկիչը իրավասու յե ձերբակալել հանցագործության կամ խախտման մեջ կասկածվող՝ դատական կարգով հետապնդվող անձնավորության՝

ա) յեթե այդպիսին բռնվել է հանցանքը նախապատրաստելիս, հանցանքը գործելիս

կամ հանցագործությունից անմիջապես հետո,
բ) յեթե ականատեսները կամ առևժողը
մատնացույց կանեն ավյալ անձին, վերապես
հանցանք կամ խախտում կատարողի,

գ) յեթե կասկածելի անձի մոտ կամ նրա
բնակարանում կգտնվեն հանցագործության
կամ խախտման հետքեր,

դ) յեթե կասկածելի անձը փորձում է
փախուստի դիմել կամ բռնվում է փախչե-
լիս,

յե) յեթե կասկածելի անձը չունի մշտա-
կան բնակավայր,

զ) յեթե չի ճշտվում կասկածելի անձի
ինքնությունը:

34. Թաղային հսկիչն իրավասու յե ձեր-
բակալել այն քաղաքացիներին, վորոնք կկաս-
կածվեն վորպես Խորհրդային Իշխանության
պարտադիր վորոշումները և այլ կարգադրու-
թյունները խախտելու մեջ, յեթե հիշյալ վորո-
շումները և կարգադրությունների ու այս հրա-
հանգի մեջ նման ձերբակալությունների կարե-
լիություն նախատեսնվում է:

35. Մնացյալ բոլոր դեպքերում թաղային
հսկիչը հանցագործություններ կատարելու կամ
պարտադիր վորոշումները և այլ կարգադրու-
թյունները խախտելու մեջ կասկածվող անձանց

ձերբակալում է միայն համաձայն հատուկ որ-
դերների, տրված Դատախազական հսկողության
որդանների, գավառի, շրջանի և քաղաքամասե-
րի Միլիցիայի պետի և այլ, որենքով այդ մա-
սին լիազորված անձանց կողմից:

36. Հոդված 32 — 35-ի կանոնը չի տարած-
վում թաղային հսկիչի կողմից ձերբակալած
այն անձանց վրա, վորոնք հանրային վայրերում
յերևում են ակնհայտնի հարբած վիճակում և
այն դեպքերում, վորոնք նախատեսնված են
սույն հրահանգի համապատասխան հոդվածնե-
րով:

37. Ամեն անգամ, անձնապես ձերբակալե-
լու դեպքում, թաղային հսկիչը կազմում է վո-
րոշում, վորի մեջ մանրամասն ցույց է տալիս՝

ա) ո՞վ է ձերբակալել,

բ) տեղեկություններ ձերբակալվածի ան-
ձնավորության մասին՝ անուն, հայրանուն,
ազգանուն, տարիք, ծագում, բնակավայր, կրթ-
ություն, հիմնական զբաղմունք, ընտանե-
կան զրություն, սացվածքային զրություն,
ավյալ ժամանակի զբաղմունքը, զինվորա-
կան զրություն, կուսակցականություն,
ինչ կապակցություն ունի տուժածի հետ,
յեթե կա այդպիսի կապ, դատված լինել—
չլինելը,

գ) եյությունը այն հանցագործության կամ խախտման, վորի մեջ կասկածվում է ձերբակալվածը,

դ) ձերբակալման հիմունքը,

յե) վորոշումը կազմողի ստորագրությունը, Վորոշումը կազմելուց հետո, թաղային հսկիչը հայտնում է այն ձերբակալվածին և ապա անհապաղ ներկայացնում է քաղաքամասի պետին:

38. Ձերբակալման յենթարկվածին թաղային հսկիչն ուղարկում է քաղաքամաս, վերցնելով նրանից զենքերը և հանցագործության դործիքները, յեթե այդպիսիք կան և միջոցներ է ձեռք առնում, վերպեսդի ձերբակալվածը ճանապարհին վորևե իր դեն չձգի: Յեթե կասկածվում է, վոր ձերբակալվածը նշանավոր հանցագործ է, այդ դեպքում նրանից վերցնում է նրա մոտ յեղած թղթերը և իրերը:

39. Տեղեկութիւն ստանալով արդեն կատարված հանցագործության կամ խախտման մասին, թաղային հսկիչն անմիջապես գնում է պատահարի վայրը և անհրաժեշտ միջոցներ է ձեռք առնում պահպանելու հանցագործության հետքերը, նույնպես և հայտնաբերելու և ձերբակալելու հանցագործության կամ խախտման մեջ կասկածվողին:

40. Թաղային հսկիչը, թաղի սահմաններում նկատելով այնպիսի հետքեր, վորոնք կարող են ապացույց լինել կատարված հանցագործության, միջոցներ է ձեռք առնում նրանց պահպանման, ինչպես և հայտնաբերելու հանցագործութիւնը և հանցագործին, այդ մասին հայտնելով քաղաքամասի Միլիցիայի պետին:

41. Թաղային հսկիչն առանց քննիչի, բժշկի կամ քաղմասի պետի թույլտվության, արգելում է թաղել հանկարծամահներին, ինքնասպաններին, ինչպես և գտնված դիակները և միջոցներ է ձեռք առնում՝ ա) — մինչև բժշկի կամ քննիչի գալը, պահպանելու նրանց ըստ հնարավորի այն դրությամբ, ինչ դրությամբ վոր այդպիսիք հայտնաբերված են, և բ) պարզելու մեռածների ինքնութիւնը, մահվան պատճառները և հանգամանքները:

42. Հանցագործութիւններ և խախտումներ հայտնաբերելու դեպքում, թաղային հսկիչն անմիջապես ղեկուցում է Միլբաժնի պետին և նրա կարգադրությամբ հետաքննութիւն է կատարում, համաձայն Միլիցիայի ծառայության և Միլիցիայի մարմինների կատարած հետաքննութիւնների կանոնների:

43. Առանց Միլբաժնի պետի կարգադրության, թաղային հսկիչը հետաքննութիւն է կա-

տարու միայն անհետաձգելի դեպքերում, անհապաղ զեկուցելով քաղմասի պետին և բաժնականանալով միայն հետաքննության ամենաանհրաժեշտ միջոցներով:

Գ Լ Ո Ի Խ III.

ՊԱՐՏԱԿԱՆՈՒԹՅՈՒՆՆԵՐ ՀԱԿԱՇԵՂԱՓՈԽԱԿԱՆ ՅԵ-
ԼՈՒՅԹՆԵՐԻ ԴԵՄ ՊԱՅՔԱՐԵԼՈՒ ՎԵՐԱԲԵՐՅԱԼ.

44. Թաղային հսկիչը թույլ չի տալիս հաժախմբումներ, յերթեր, ցույցեր հակահեղափոխական նպատակներով, ամեն տեսակ հակահեղափոխական կոչերի, թուլցիկների բաժանում, ցրում, պատերին փակցնել և ընդհանրապես հակահեղափոխական բնույթ կրող գրականության տարածում, նույնպես և արգելում ե պոկել խորհրդային զինանշանն ու դրոշակը և ի ցույց դնել իր բնութիւնով և բովանդակութեամբ խորհրդային Իշխանութեան թշնամի դրոշակներն ու պրակատներ:

45. Հոգոված 44-ում մատնանշած հակահեղափոխական յերկույթներ հայտնաբերելիս, թաղային հսկիչն այդ մասին անհապաղ հայտնում ե քաղմասի պետին և Արտակարգ Հանձնաժողովի մոտակա որգանին, միաժամանակ միջոցներ ձեռք առնելով ձերբակալելու հանցավորներին, պոկելու, հաժախելու փակցրած, ցրած

կոչերն ու թուլցիկները և ի ցույց դրված գրողականներն ու պրակատները վերցնելու:

Գ Լ Ո Ի Խ IV.

ՊԱՐՏԱԿԱՆՈՒԹՅՈՒՆՆԵՐ ՄԱՍՈՒԼԻՆ, ԸՆԿԵՐՈՒ-
ԹՅՈՒՆՆԵՐԻՆ, ՅԵՐԹԵՐԻՆ, ՑՈՒՅՑԵՐԻՆ, ԿՈՒԼ-
ՏՈՒՐ—ԼՈՒՍԱՎՈՐԱԿԱՆ ՀԻՄՆԱՐԿՆԵՐԻՆ, ԱԿՈՒՄԲ-
ՆԵՐԻՆ ՅԵՎ ՀԱՍԱՐԱԿԱԿԱՆ ՀԱՆԴԵՍՆԵՐԻՆ ՎԵ-
ՐԱԲԵՐՈՂ ՀԵՂԱՓՈԽԱԿԱՆ ԿԱՐԳԻ ԿԱՆՈՆՆԵՐԸ
ՊԱՀՊԱՆԵԼՈՒ ՀՍԿՈՂՈՒԹՅԱՆ ՎԵՐԱԲԵՐՅԱԼ.

46. Թաղային հսկիչն հետևում ե, վորպես-
զի հասարակական վայրերում՝

ա) չցուցադրվեն և չտարածվեն թույլ-
ափություն չունեցող ապագրական աշխատու-
թյուններ, պատկերներ, լուսանկարներ և այ-
լն:

բ) չփակցրվեն և չտարածվեն համապատաս-
խան որգաններից թույլտվություն չունեցող
հայտարարություններ, աֆիշներ, պրակատներ
և չպոկեն կոմունալ տնտեսութեան բաժնի
մատնանշած տեղերում կպցրած հայտարարու-
թյունները, աֆիշները, պրակատները,

գ) արգելքներ չը հարուցվեն իշխանութեան

Թույլտվությամբ կազմակերպվող ժողովների կայացման:

47. Հոդված 46-ում մատնանշված խախտումները հայտնաբերելիս, Թաղային հսկիչը վերացնում է այդպիսիք, գոնում հանցագործներին և կատարած քննության արդյունքները իրային ապացույցների հետ միասին, զեկուցում քաղաքամասի պետին:

48. Թաղային հսկիչը միջոցներ է ձեռք առնում միջմիութենական կազմակերպությունների մեջ ցուցակագրված բանվորների և ծառայողների տրանստակցական (արտագրական) միությունների անարգել կազմակերպման և ազատ գործունեություն համար, համաձայն Համամիութենական Արհմիությունների համագումարի սահմանած կարգի:

49. Թաղային հսկիչն հետեվում է, վոր Թաղի սահմաններում չբացվեն ընկերություններ, կուլտուր-լուսավորական հիմնարկներ և ակումբներ, ինչպես և չկայանան հասարակական ժողովներ, յերթեր, ցույցեր, հրապարակական հանդեսներ առանց համապատասխան Թույլտվության, յեթե որենքով այդպիսի Թույլտվություն պահանջվում է:

50. Հայտնաբերելով առանց համապատասխան Թույլտվության բացված ընկերություն-

ներ, կուլտուր-լուսավորական հիմնարկներ, Թաղային հսկիչը զեկուցում է քաղմասի պետին, իսկ առանց Թույլտվության կայացած ժողովները, յերթերը, ցույցերը և հրապարակական հանդեսներն արգելում է, պարզելով կազմակերպողների անձնավորությունը և այդ մասին զեկուցում քաղմասի պետին:

51. Թաղային հսկիչը հետևում է, վորպեսզի պետական հիմնարկությունների և ձեռնարկությունների շենքերում տեղի չունենան կրոնական ծիսակատարություններ և չցուցադրվեն դավանանքի վերաբերող առարկաներ (պատկերներ, կրոնական բնույթ ունեցող անդրիններ և այլն):

52. Թաղային հսկիչը Թույլ չի տալիս արգելելու կրոնական ծեսերի կատարումները, յեթե այդպիսիք չեն խանգարում հասարակական կարգը և չեն վտանահարում քաղաքացիների իրավունքները:

53. Թաղային հսկիչն արգելում է փողոցներում և հանրային ոգտագործման վայրերում հանդես գալ Թափառաշրջիկ յերգիչներին, յերաժիտներին, կրկեսային զերասաններին և այլ անձանց, վորոնք ոգտագործում են զեղարվեստը, առանց այդ մասին համապատասխան Թույլտվություն ունենալու:

54. Թաղային հսկիչը հետևում է, վորպեսզի հրապարակական հանդեսները, զվարճությունները և ակումբները փակվեն պարտադիր վորոշումներով սահմանված ժամանակին:

ԳԼՈՒԽ V

ՊԱՐՏԱԿԱՆՈՒԹՅՈՒՆՆԵՐ ՔԱՂԱՔԱՑՆԵՐԻ ՑՈՒ- ՑԱԿԱԳՐՄԱՆ ՎԵՐԱԲԵՐՅԱԼ

55. Թաղային հսկիչը հետևում է, վորպեսզի քաղաքացիների ցուցակագրումը տեղի ունենա համաձայն ներքգործադրության սահմանած ձևի անձնական վկայականների, կարմիր բանակի և նավատորմի զինվորական ծառայողների համար վորպես անձնական վկայական ծառայում են կարմիր բանակայինների ծառայական գրքույկները կամ հրամանատարական, քաղաքացիական և վարչական կազմին պատկանելու վկայականները, իսկ առևտրական նավատորմի ծառայողների համար՝ հատուկ ձևով ծովային ծառայության վկայականները:

56. Թաղային հսկիչը հետևում է, վորպեսզի տնային վարչությունները քաղաքում և քաղաքատիպ վայրում բնակություն հաստատելու համար յեկածների և բնակարան փոխող-

ների ցուցակագրման համար պահեն հատուկ ձևով տնային գրքույկներ:

57. Թաղային հսկիչն հետևում է, վորպեսզի տնային վարչությունները՝

ա) իր ժամանակին տնային գրքերի մեջ մուծեն յեկող, գնացող և բնակարան փոխող քաղաքացիներին,

բ) իր ժամանակին ներկայացնեն տնային գրքույկները համապատասխան ցուցակագրությամբ և փաստաթղթերով միլբաժնին համապատասխան ղրադուլթյունների համար,

գ) թույլ չտան տներում ապրելու միլիցիայում չարձանագրված քաղաքացիներին:

58. Հոգված 56-57-ում մատնանշված տնային վարչությունների պարտականությունների կատարման հետևելու նպատակով, թաղային հսկիչը կանոնավորապես ստուգում է տնային գրքերը և տներում ապրող քաղաքացիներին, համաձայն անային գրքերի:

ԳԼՈՒԽ VI.

ՊԱՐՏԱԿԱՆՈՒԹՅՈՒՆՆԵՐ ՔԱՐԵԿԱՐԳՈՒԹՅՈՒՆ ՅԵՎ ԱՊԱՅՆՎՈՒԹՅՈՒՆ ՊԱՂՄԱՆԵԼՈՒ ՎԵՐԱԲԵՐՅԱԼ

59. Թաղային հսկիչը պահանջում է, վոր տնատերերը ժամանակին կատարեն որենքով և

պարտադիր վորոշումներով իրենց վրա դրված պարտականությունները՝ բարեկարգություն, մաքրություն և կարգ պահպանելու տներին ներսում, ինչպես և իրենց տների տարածությամբ ընկած մայթերում և փողոցի մասում (մաքրել տանիքները, ձյունը, կեղտը):

60. Հանրային վայրերում բարեկարգություն և մաքրություն պահպանելու պարտականությունների կատարման ժամանակ թաղային հսկիչն ոգտվում է դռնապանների ոգնությամբ, համաձայն գոյություն ունեցող որենքների և պարտադիր վորոշումների:

61. Թաղային հսկիչն հետևում է, վորպեսզի Խորհրդային Իշխանության սահմանած տոներին և հանդեսների որերին տնատերերն իրենց տները զարդարեն կարմիր դրոշակներով:

62. Թաղային հսկիչն հետևում է, վորպեսզի տնատերերը—

ա) աչքի ընկնող տեղում կախեն տան համարը,

բ) կատարեն դռները, դարբասները փակելու ժամանակի մասին յեղած պարտադիր վորոշումները,

գ) կատարեն մուտքերի, հրապարակների, վեր տանող աստիճանների և իրենց տների

տարածությամբ ընկած փողոցի մասը լուսավորելու համար յեղած պարտադիր վորոշումները:

53. Թաղային հսկիչը պահանջում է, վորպեսզի տնատերերը—

ա) մաքրեն ձույնից և սառույցից քաղաքային ջրավղի հրդեհաշիջ հորերի տանիքները, յեթե այդպիսիք կան,

բ) ձեռք առնել սահմանված հակահրդեհային միջոցները,

գ) իր ժամանակին ադրն ու անմաքրությունները դուրս տանեն նրանց համար նշանակված հատուկ տեղերը:

64. Թաղային հսկիչն հետևում է, վորպեսզի տնատերերն ամրացնեն կամ հեռացնեն ընկնող ցուցանակները և ընդհանրապես անհրաժեշտ միջոցներ ձեռք առնեն կանխելու դժբախտ դեպքերն իրենց տան և իրենց տան տարածությամբ ընկած փողոցի շրջանում, յերթվեկության համար վտանգավոր հանդիսացող վայրը շրջափակելով կամ այլ նախազգուշական միջոցներ ձեռք առնելով:

65. Թաղային հսկիչն հետևում է, վորպեսզի՝

ա) խմելու համար գործադրող ջուրը և ջրի ավազանները չը կեղտոտվեն,

բ) փողոցներից և հանրային վայրերից անմիջապես հեռացվեն սատկած կենդանիների զիակները և առարկաները, վորոնք վարակում են ողբ:

66. Թաղային հսկիչն հետևում է, վորպես՝ զի չփչացնեն՝

ա) շենքերը, հեռագրի և հեռախոսի լարերը և ընդհանրապես փողոցներում և հանրային վայրերում գտնվող պետական, հասարակական և մասնավոր ամեն տեսակ կայքը,

բ) պատմական, գեղարվեստական հուշարձանները, հնությունները և բնական գեղեցիկությունները,

գ) փողոցներում, հրապարակներում, գրոսավայրերում, այգիներում, պուրակներում յեղած ծառերը և բուսականությունը:

67. Թաղային հսկիչն հետևում է, վորպես՝ զի դնապանները՝

ա) մաքրեն մայթերի կեղտը, փոշին, սառույցը և ձյունը, համաձայն յեղած վորոշումների,

բ) հետևեն տների սանիտարական դրության, մաքրեն բակերը և հետևեն աղբի արկղները ժամանակին դատարկելուն,

գ) մութն ընկնելուն պես լուսավորեն տը-

ների առջևի համարային լապտերները և ներքին աստիճաններն ու միջանցքները,

դ) իրենց շրջանի սահմաններում ոգնեն Միլիցային հսկելու կարգի, խաղաղության և հասարակական ապահովության պահպանման, նկատած ամեն մի խախտման և դժբախտ պատահարների դեպքում հայտնեն պահակալին միլիցոսներին կամ քաղաքամասին, անհրաժեշտ դեպքում վորյեվե մեկին ուղարկելով քաղմաս, ընդունեն իրենց հանձնվող անձերին և նրան անձամբ տեղ հասցնեն, ըստ միլիցիայի ցուցմունքի,

յե) կրեն հերթական (գիշերային) հերթապահություն,

զ) գիտենան տեղական հրդեհաշեջ մասերի տեղերը, նրանց հեռախոսների ինչպես և քաղմասի հեռախոսի համարները յեվ մոտակայքում յեղած հեռախոսային ապարատների տեղերը, վորոնցով կարելի յե կարեվոր դեպքերում լուր տալ հրդեհաշեջ խմբին կամ քաղմաս,

ե) հերթապահության ժամանակ հերթապահութան հետ կապ չունեցող գործերով չզբաղվեն:

68. Թաղային հսկիչն հետևում է փողոցների շարժումը կանոնավորող կանոնների

պահպանման, համաձայն Միլիցայի ծառայութ-
յան կանոնադրության:

ԳԼՈՒԽ VII

ՊԱՐՏԱԿԱՆՈՒԹՅՈՒՆՆԵՐ ՏԱՐԵՐԱՅԻՆ ԴԺԲԱԽՏՈՒ- ԹՅՈՒՆՆԵՐԻ ԺԱՄԱՆԱԿ

69. Հրդեհի զեպքում թաղայի հսկիչը պար-
տավոր է՝

ա) անմիջապես գնալ հրդեհի վայրը և
հրդեհի չափի մասին տեղեկացնել քաղմասի
պետին,

բ) միլիցոններն երով շրջափակել այրվող
շենքը և բոլոր մուտքերի, դարբասների մոտ
պահակներ կանգնեցնել, արգելելով կողմնա-
կի մարդկանց մուտքը,

գ) միջոցներ ձեռք առնել, վորպեսզի հրդ-
եհաշեջ խումբը կարողանա աղատ լեթի և
գործունեյութուն ունենա:

70. Թաղային հսկիչը —

ա) զեկավարում է հրդեհը հանգչնելու
աշխատանքը, մինչև քաղմասի պետի կամ
հրդեհաշեջ խմբի գալը,

բ) ձեռք է առնում ամեն անհրաժեշտ և
հնարավոր միջոցներ այրվող տներում մնա-

ցած մարդկանց փրկելու և ապահով տեղ
փոխադրելու հեշտ բռնկվող և պայթուցիկ
նյութերը:

գ) միջոցներ է ձեռք առնում հրդեհի վայրը
շթոնելու կողմնակի անձանց և հարեվան
տների բնակիչներին լուր տալու իրենց ըս-
պառնացող վտանգի մասին, լեթե այրվող
տան մեջ կան բռնկվող նյութեր,

դ) կանխում է հնարավոր խուճապը և իրեր
գուրս նետելն այն բնակարաններից, վորոնց
վտանգ չի սպառնում,

յե) ոժանդակում է քաղաքացիների գույքը
փրկելուն:

71. Թաղային հսկիչն հետևում է, վորպես-
զի հրդեհի ժամանակ գուրս հանվող իրերը
դարսվեն Միլիցիայի մատնանշած և հսկո-
ւթյան տակ առած տեղերում: Հրդեհը վեր-
ջանալուց հետո թաղային հսկիչն արգելում է
կողմնակի մարդկանց հրդեհի վայրում մնացած
իրերին ձեռք տալ և պահանջում է տնատիրո-
ջից անմիջապես մաքրել փողոցն ու շենքի
բակը:

72. Թաղային հսկիչն անհրաժեշտ միջոց-
ներ է ձեռք առնում հրդեհի ժամանակ վնաս-
ված անձանց առաջին ոգնություն հասցնելու,
կարեվոր զեպքերում հրդեհի վայրը թիշկ հրա-
վիրելով:

73. Քաղաքացիներին և նրանց կայքին սպառնացող հեղեղումների, յերկրաշարժների ժամանակ թաղային հսկիչը միջոցներ է ձեռք առնում այդ մասին լուր տալու թաղի բնակիչներին և փրկության համար անհրաժեշտ հնարավորություններ է նախապատրաստում, իսկ հեղեղման ժամանակ՝ միջոցներ է ձեռք առնում ազատելու խեղդվողներին, քաղաքացիներին կայքը և առաջին ոգնություն ցույց տալու վնասվածներին:

Գ Լ Ո Ի Խ VIII.

ՊԱՐՏԱԿԱՆՈՒԹՅՈՒՆՆԵՐ ԱՌԵՎՏՐԻ ՅԵՎ ԱՐԶԵՍՏՆԵՐԻ ՎԵՐԱԲԵՐՅԱԼ ԿԱՆՈՆՆԵՐԻ ՊԱՀՊԱՆՄԱՆ շՍԿԵԼՈՒ ՎԵՐԱԲԵՐՅԱԼ

74. Թաղային հսկիչն հետեւում է, վորպեսզի թաղի սահմաններում առեւտրով և արհեստներով զբաղվող անձինք ունենան համապատասխան թույլատվություն կամ արտոնագիր (պատենտ), յիժե գործող որենքներով այդպիսիք պահանջվում է և վորպեսզի առեւտուրը կատարվի համաձայն որենքի և պարտադիր վորոշումների կանոնների:

75. Թաղային հսկիչն հետեւում է, վոր-

պեսզի առեւտուր չը կատարվի այն որերին և ժամերին, յերբ արգելվում է խանութները բացելը և առաջագրում է փակել առեւտրական և արդյունաբերական ձեռնարկություններն ու զադարեցնել ձեռքի վրայի առևտուրը, այլ և հսկում է, վորպեսզի առևտրական ձեռնարկությունները ճշտորեն պահպանեն ճաշվա ընդհատումը:

76. Թաղային հսկիչն հետևում է, վորպեսզի չվաճառվեն մասնավոր գործածությունից հանված, մաքսը չվճարված ապրանքներ, այլ և այնպիսի ապրանքներ, վորոնք ձեռք են բերված հանցագործության կամ անթույլատրելի արհեստների միջոցով:

77. Առևտրի նյութ չեն կարող լինին՝

ա) վոսկու և արծաթի վալյուտան,

բ) սահմանած աստիճանից բարձր վոգելից խմիչքները,

գ) մաքսի յենթակա, բայց մաքսը չվճարած ապրանքներ,

դ) թմրեցնող նյութեր՝ կոկային, ոպյում, մորֆի և այլն:

78. Թաղային հսկիչն հետևում է, վորպեսզի շուկաներում և հանրային այլ վայրերում առևտուր անելու կամ արհեստներով զբաղվելու թույլատվություն ունեցող անձինք՝

ա) իրենց հատկացրած վայրերից ավելի տեղ չգրավեն,

բ) չը խանգարեն ազատ և ապահով յերթեվելը,

գ) չխանգարեն հանրային կարգը կանչելով, համառ առաջարկութիւններով և այլն:

79. Թաղային հսկիչն արգելում է առևտրի մեջ գործադրել փշացած, սահմանված կարգով չստուգված, ինչպես և համաձայն գործող որենքների, գործածութիւնից հանված չափ ու կշիռ:

80. Թաղային հսկիչն հետևում է, փորպեսզի ուտեստեղեն վաճառելու դեպքում շուկաներում և առևտրական շենքերում խիստ կերպով պահպանվեն որենքով և պարտադիր փորոշումներով սահմանված սանիտարական կանոնները:

Ուտեստեղենի մթերքները պիտի վաճառվեն միանգամայն առանձին այնպիսի առարկաներից, փորպեսզի կարող են նրանց կեղտոտել, ինչպես որինակ՝ հնոտիներ, հագուստեղեն և այլն: Թափաղները, զամբյուղները և այն ամենը, ինչի մեջ վոր դրված են ուտեստեղենի ապրանքները, պիտի ծածկված լինեն և փոշուց ու ճանճերից պահպանված:

Ուտեստեղենի մթերքների վաճառքն արգելվում է անմիջապես արտադրողների, կեղտա-

փոսերի և կառապանների կանգնման վայրերի մոտ:

81. Քաղաքի շուկային հետևելու պարտականութիւնների կատարման ժամանակ թաղային հսկիչը կարող է դիմել շուկայի կոմիտեյի աջակցութեան և իրավասու յե պահանջել նրանցից, վոր նրանք ճշտորեն կատարեն իրենց վրա դրված պարտականութիւնները, շուկան բարեկարգ պահելու, սանիտարական պահանջները կատարելու նկատմամբ և այլն:

82. Թաղային հսկիչը թույլ է տալիս գինու և գարեջրի առևտուր միայն այն հիմնարկներում և ձեռնարկներում, վորոնք ունեն համապատասխան թուլտվութիւն և արտոնագիր և հետևում է, փորպեսզի առևտուրը կատարվի համաձայն թուլտվութեան և արտոնագրի, փորպեսզի այդ վայրերում անկարգութիւններ և անպարկեշտութիւններ չլինեն և փոքրահասակներին ու հարբածներին գինի և գարեջուր չտրվի:

83. Թաղային հսկիչը հետևում է, փորպեսզի իր թաղամասում յեղած գինեւոտները, քարվանսարանները, խաները, հյուրանոցները և կահավոր սենյակները բացվեն և պահվեն այդ մասին յեղած որենքների և պարտադիր փորոշումների կանոնների համաձայն:

84. Թաղային հսկիչն հետևում է, փորպեսզի

ա) իրենց հատկացրած վայրերից ավելի տեղ չգրավեն,

բ) չը խանգարեն ազատ և ապահով յերթեվելը,

գ) չխանգարեն հանրային կարգը կանչելով, համառ առաջարկութիւններով և այլն:

79. Թաղային հսկիչն արգելում է առևտրի մեջ գործադրել փչացած, սահմանված կարգով չստուգված, ինչպես և համաձայն գործող որենքների, գործածութիւններից հանված չափ ու կշիռ:

80. Թաղային հսկիչն հետևում է, վորպեսզի ուտեստեղեն վաճառելու դեպքում շուկաներում և առևտրական շենքերում խիստ կերպով պահպանվեն որենքով և պարտադիր վորոշումներով սահմանված սանիտարական կանոնները:

Ուտեստեղենի մթերքները պիտի վաճառվեն միանգամայն առանձին այնպիսի առարկաներից, վորպիսիք կարող են նրանց կեղտոտել, ինչպես որինակ՝ հնոթիներ, հագուստեղեն և այլն: Թաբաղները, գամբյուղները և այն ամենը, ինչի մեջ վոր դրված են ուտեստեղենի ապրանքները, պիտի ծածկված լինեն և փոշուց ու ճանճերից պահպանված:

Ուտեստեղենի մթերքների վաճառքն արգելվում է անմիջապես արտաքնոցների, կեղտա-

փոսերի և կառապանների կանգնման վայրերի մոտ:

81. Քաղաքի շուկային հետևելու պարտականութիւնների կատարման ժամանակ թաղային հսկիչը կարող է գիմել շուկայի կոմիտեյի աջակցութեան և իրավասու յե պահանջել նրանցից, վոր նրանք ճշտորեն կատարեն իրենց վրա դրված պարտականութիւնները, շուկան բարեկարգ պահելու, սանիտարական պահանջները կատարելու նկատմամբ և այլն:

82. Թաղային հսկիչը թույլ է տալիս գինու և գարեջրի առևտուր միայն այն հիմնարկներում և ձեռնարկներում, վորոնք ունեն համապատասխան թուլտվութիւն և արտոնագիր և հետևում է, վորպեսզի առևտուրը կատարվի համաձայն թուլտվութեան և արտոնագրի, վորպեսզի այդ վայրերում անկարգութիւններ և անպարկեշտութիւններ չլինեն և փոքրահասակներին ու հարբածներին զինի և գարեջուր չտրվի:

83. Թաղային հսկիչը հետևում է, վորպեսզի իր թաղամասում յեղած գինետները, քարվանսաւանները, խաները, հյուրանոցները և կահավոր սենյակները բացվեն և պահվեն այդ մասին յեղած որենքների և պարտադիր վորոշումների կանոնների համաձայն:

84. Թաղային հսկիչն հետևում է, վորպեսզի

ռայլապանութիւն, բեռնակրութիւն անող ան-
ձինք ունենան այդ մասին համապատասխան
թույլտվութիւն:

Գ Լ ՈՒՐ IX.

ՊԱՐՏԱԿԱՆՈՒԹՅՈՒՆՆԵՐ ՍՈՑԻԱԼԱԿԱՆ ՊԱՐԱԶԻ- ՏՈՒԹՅԱՆ ՅԵՎ ՍՐԻԿՍՅՈՒԹՅԱՆ ԴԵՄ ՊԱՅՖԱԼ ԵԼՈՒ ՎԵՐԱԲԵՐՅԱԼ

85. Թաղային հսկիչը թույլ չի տալիս կա-
խարդներին, գուշակներին, և այլն, վորպեսզի,
ոգտվելով ուրիշների տգիտութիւնից և սնահա-
վատութիւնից, իրենց շահի համար կախաւ-
ղությամբ և գուշակությամբ պարապեն, վոր-
պես արհեստ:

86. Թաղային հսկիչն արգելում է աշխատու-
նակ քաղաքացիներին, վորոնք խուսափում են
աշխատանք վերցնելուց, պարապել մուրացկա-
նությամբ, վորպես արհեստ և հսկում է, վոր-
պեսզի մուրացկանությամբ պարապողները խա-
բեբայական միջոցների չդիմեն, նպատակ ունե-
նալով ուրիշների հավատը շահագործել:

87. Թաղային հսկիչը միջոցներ է ձեռք
առնում հայտնաբերելու անբարոյականության

վորջերը և պոռնկությանն ոժանդակողներին
ու միջնորդներին, ձերբակալելով նշանց:

88. Թաղային հսկիչն արգելում է ամեն
տեսակ թղթախաղ և այլ զրամով խաղեր հան-
րային վայրերում և միջոցներ է ձեռք առնում
հայտնաբերելու խաղավորջերը, վորոնց տերե-
րը զբաղվում են այդպիսի խաղեր կազմակեր-
պելով կամ խաղացողներին բնակարան հատկաց
նելով:

89. Թաղային հսկիչը թույլ չի տալիս
մասնավոր մարդկանց և կազմակերպութիւն-
ներին վիճակահանութիւններ կազմակերպել,
առանց այդ մասին լեղած համապատասխան
թույլտվության:

90. Թաղային հսկիչը հետևում է, վորպես-
զի հանրային վայրերում վոչ վոք հասարակա-
կան ժողովարարութիւններ չկազմակերպի, ա-
ռանց համապատասխան թույլտվության:

91. Թաղային հսկիչը խստորեն հետևում է՝

ա) վորպեսզի վոչ վոք և վոչ մի տեղ չը-
պատրաստվեն, թեկուզ և չվաճառելու նպա-
տակով, վոգելից խմիչքներ կամ սպիրտ պա-
րունակող նյութեր, առանց համապատասխան
թույլտվության կամ սահմանած աստիճանի,

բ) վորպեսզի «ա» կետում հիշատակած
վոգելից խմիչքները, վոր պատրաստվում են

տուանց հաժապատասխան թույլտվության, վսշմի տեղ չվաճառվեն և չպահվեն:

92. Առանց թույլտվության վոգելից խմիչք, սպիրտ պարունակող նյութեր պատրաստելու և վաճառելու հայտնաբերության դեպքում, թաղային հսկիչը—

ա) ձերբակալում է այդպիսի գործողության մեջ բռնված անձանց, և

բ) առգրավում է վոգելից խմիչքը և սպիրտ պարունակող նյութերը, նույնպես և պատրաստելու գործիքները և այն ամանները, վորոնց մեջ պահվում են այդ նյութերը:

93. Թաղային հսկիչն հետևում է, վորպեսզի հասարակական վայրերում վոշ վոք չյերեվա այնպիսի հարբած գրությամբ, վոր վառնգ է սպառնում ինքն իրեն, շրջապատողներին կամ հասարակական կարգին: Նման դեպքերում թաղային հսկիչը միջոցներ է ձեռք առնում հարբածին հեռացնելու կամ ձերբակալում է, մինչև նրա սթափվելը և արձանագրություն է կազմում:

94. Թաղային հսկիչը—

ա) արգելում է ամեն տեսակի սրիկայություն,

բ) թույլ չի տալիս հասարակական վայրերում անկարգություններ անել, ծեծել միմի

անց և անատթության կոպիտ արտահայտություններ, ինչպես որինակ, հայհոյանք և այլն,

գ) արգելում է կենդանիների հետ անգութ վարվելը:

ԳԼՈՒԽ X.

ՊԱՐՏԱԿԱՆՈՒԹՅՈՒՆՆԵՐ ՊԵՏԱԿԱՆ ՀԻՍՆԱՐԿՈՒԹՅՈՒՆՆԵՐԻՆ ՈՒՄԴԱԿԵԼՈՒ ՎԵՐԱԲԵՐՅԱԼ

95. Թաղային հսկիչն ուժանդակում է յուրաքանչյուր պետական հիմնարկության և պաշտոնատար անձի, համաձայն գոյություն ունեցող որենքների և տեղական իշխանության պարտադիր վորոշումների:

96. Թաղային հսկիչը գործադրության է դնում վարչական որգանների վարչական կարգով արված և ուժի մեջ մտած տուգանման վորոշումները:

97. Թաղային հսկիչը, համաձայն հատուկ որդերների, նախնական կալանքի յե յենթարկում մասնավոր մարդկանց կամ ընկերությունների մոտ հայտնաբերված այն գույքը, վոր թագցրած է բռնագրավումից և գործող որենքների հիման վրա, յենթակա յե բռնագրավման, կազմելով ւոնքի մանրամասն ցուցակը յիվ գույքը ցու-

ցակի պատճենի հետ հանձնելով տիրոջը կամ վստահություն վայելող մի ուրիշ անձի ի պահ:

98. Թաղային հսկիչը խուզարկություններ և հանույթներ անում է համաձայն հատուկ որդերների, տրված այդ մասին լրագործված անձերի կողմից:

Առանց այս հոգվածում մատնանշած որդերի, թաղային հսկիչը խուզարկություններ և հանույթներ անում է միայն այն դեպքերում, յերբ ունի բավարար հիմք յենթադրելու, վոր խախտման հետքերը կամ իրալին ապացույցները կարող են թագցրվել կամ վոչնչացվել:

99. Թաղային հսկիչը կարող է քաղաքացիներին վտարել իրենց գրաված բնակարաններից, այլ և տեղավորել նրանց բնակարաններում միմիայն համաձայն դատական վորոշումների կամ որդերների, տրված որենքով այդ մասին լրագործված հիմնարկությունների կամ անձաց կողմից:

100. Թաղային հսկիչը—

ա) հանձնում է կոչնագիր այն անձանց, վորոնք կանչվում են նախաքննության, հետաքննության կամ դատարան,

բ) ներկայանալուց խուսափող անձանց տանում է նախաքննության, հետաքննության

և դատարան, համաձայն հետաքննության որդանների, քննիչի և դատարանի վորոշման,

գ) հեռուում է, վոր մեղադրյալները, վորոնցից նախաքննության որդանների կամ քննիչի կողմից ստորագրություն է առնված, չմեկնեն, չհեռանան իրենց ընտրած կամ իրենց հատկացրած բնակավայրերից, առանց հետաքննության որդանների, քննիչի կամ դատարանի թույլտվության,

դ) հետաքննության որդանների կամ քննիչի պահանջով պահակներ է տալիս շրջափակելու խուզարկության յենթակա վայրերը,

յե) նախաքննության որդանների կամ քննիչի պահանջով հսկողություն է սահմանում կամ պահակ կանգնեցնում պահպանելու այն իրալին ապացույցները, վորոնք իրենց գրանված վայրից տանելն հնարավոր չէ,

զ) գործադրում է հետաքննության որդանների, քննիչի կամ դատարանի վորոշումները հսկողության տակ առնելու մեղադրյալներին կամ հանցագործության մնջ կասկածվողներին, վորոնց, նախաքննությունից, հետաքննությունից կամ դատարանից չխուսափելու համար, վորոշված է հսկողության տակ առնել:

101. Թաղային հսկիչը դատական վորոշումները կատարելու կարգով, գանձում է դատապարտվածների կայքից տուգանքը և դատական ծախքերը, նույնպես և բռնագրավում է նրանց կայքը:

102. Թաղային հսկիչը հարկային տեսուչների և ֆինանսական գործակալների հրավերով ներկա յե լինում՝

ա) շուկաներում, հրապարակներում, խանութներում և վաճառատներում առանց արտոնագրի կատարվող առևտրի մասին կադմովոլ արձանագրություններին,

բ) ներկա յե լինում հարկը չվճարողների կայքի ցուցակագրման, աճուրդով վաճառելու համար,

գ) ոժանդակում է ֆինանսական հսկողության որգաններին անձնապես գանձելով ինչպես պետական, նույնպես և տեղական ամեն տեսակ հարկերի ու գանձումների ապառիկները, համաձայն Քրեյական Դատ. Որենսգրքի 455 և 459 հոդվածների:

103. Թաղային հսկիչը, յերբ վորեւ աջակցություն ստանալու համար նրան են դիմում Արտակարգ Հանձնաժողովի կամ Քրեյական հետախուզության որգանները, պարտավոր է, նրանց կոչումը պարզելուց հետո, կատարել նրանց որինական պահանջները:

104. Թաղային հսկիչն ոժանդակում է սանիտարական տեսչությանը ողի, ջրի, հողի, ընակարանների, ուտելիղենների սանիտարական պահպանման վերաբերյալ որենքով իր վրա դրված պարտականութունները կատարելու, դույնպես և համաճարակների դեմ ձեռք առնող միջոցների ժամանակ:

105. Թաղային հսկիչն ոժանդակություն է ցույց տալիս անասնաբուժական մարմինն կենդանիների վերաբերյալ սանիտարական ամեն տեսակ պարտականություններ կատարելիս:

106. Թաղային հսկիչն ոժանդակում է մանկական սոցիալական տեսուչներին (սոցիալական ոգնության յեղբայրներին և քույրերին) իրենց վրա դրված պարտականությունների կատարման մեջ՝ մանկական անխնամության, մուրացականության, պոռնկության, որինաղանցության և մանուկներին շահագործելու և նրանց հետ վատ վարվելու դեմ պայքարելիս:

107. Թաղային հսկիչն ոժանդակում է զինվորական իշխանություններին գորակոչելու ժամանակ և գորակոչը անցկացնելու մեջ:

Հաս. Կարգի Պաշտ. Բաժնի Վարիչ՝
Ս. ՎԱՐԴԱՆՅԱՆ

Միլիցիայի Տեսուչ՝ Խ. ԻԳԻԹԽԱՆՅԱՆ

ՀԱՎԵԼՎԱԾ № 1.

Հ Ր Ա Հ Ա Ն Գ

ԽՈՐՀՐԴԱՅԻՆ ԲԱՆՎՈՐԱԳՅՈՒՂԱՑԻԱԿԱՆ ՄԻ-
ԼԻՑԻԱՅԻ ՈՐԳԱՆՆԵՐԻ ԱՐՁԱՆԱԳՐՈՒԹՅՈՒՆՆԵՐ
ԿԱԶՍԵԼՈՒ ԿԱՐԳԻ ՄԱՍԻՆ

1. Միլիցիայի որդանների կազմած յուրա-
բանչյուր արձանագրություն հանցագործու-
թյունների, պարտադանցության յեւ հասարա-
կական կյանքի սահմանված կարգի ամեն մի
խախտման մասին, պետք է պարունակե հետեւի-
յալ ցուցմունքները.—

ա) տարի, ամիս, ամսաթիվ, արձանագրու-
թյուն կազմելու տեղը, արձանագրություն
կազմողի պաշտոնը յեւ ազգանունը, նայեւ
արձանագրություն կազմելու հիմունքը (տու-
ժածի բողոքը, կողմնակի անձի հայտարա-
րությունը, հանձնվելու համար ներկայանալը,
իշխանավոր անձի զրավոր յեւ բանավոր
հրամանը յեւ այլն)։

բ) հանցագործության կատարման ժամա-
նակը յեւ տեղը, ինչ հանցանք լինելը, ով է
կասկածվում կամ մեղադրվում (անուն, հայր-
անուն յեւ ազգանուն կամ մականուն յեւ
բնակավայրը յուրաքանչյուր վկայի) յեւ այն
հանգամանքները, վորոնք կարող են հաստա-
տել վկաներից ամեն մեկը։

2. Արձանագրությունը կազմվում է ըստ
հնարավորի դեպքի վա ըում, հանցանքն հայտնա-
բերելիս կամ այդ մասին հայտարարություն
ստանալուց անմիջապես հետո։

3. Տուժածի բողոքի կամ կողմնակի անձի
ցուցմունքի հիման վրա կազմած արձանագրու-
թյան մեջ պիտի հիշատակվեն նրանց անունը,
հայրանունը, ազգանունը յեւ բնակավայրը ու
մանրամասնորեն զրված լինի թե ում վրա յեն
կասկածվում յեւ ինչ ապացույցներով կարող են
այն հաստատել, անպայման մատնաշելով, վոր
իշյալ անձանց նախազգուշացրած է կեղծ
մատնությունների համար պատասխանատու-
թյան յենթարկվելու մասին, յեթե ակնհայտի
կերպով վորյեվե մեկին մեղադրում են հանցա-
գործության մեջ (հոգ. 177 յեւ 179. Քրեյա-
կան Դատ. Որենագրքի)։

4. Արձանագրությունները պիտի զրված
լինեն ընթերցելի. ամեն մի ուղղում, ջնջում,

բերվածք պիտի մատնանշվի արձանագրության մեջ, ստորագրությունից առաջ (հոդ. 82 Քր. Դատ. Որենսգ.):

5. Արձանագրությունները գրվում են հայերեն լեզվով, կամ տվյալ վայրի բնակչության մեծամասնության լեզվով (հոդ. 22 Քր. Դատ. Որենսգ.):

6. Հարցաքննվող անձանց ցուցմունքները մուծվում են արձանագրությունների մեջ ըստ հնարավորին նրանց սեփական խոսքերով, առանց փոփոխությունների, բաց թողումների, յեվ հավելումների (հոդ. 141, 168 Քր. Դատ. Որ.):

7. Տուժածի, հայտարարություն տվողի, վկայի յեվ կասկածվողի՝ յեթե այդպիսին կա, հարցաքննությունների արձանագրությունների մեջ, ամեն մեկի տված ցուցմունքից հետո պետք է նշանակվի, վոր հարցաքննվողն այլևիս ասելիք չունի, վոր իր տված ցուցմունքն իրեն կարդացված է յեվ գրված է իր բառերով:

ԾԱՆՈԹՈՒԹՅՈՒՆ — ա) Կասկածվողի հարցաքննության արձանագրությունների մեջ, բացի դրանից պիտի նշանակված լինի, արդյո՞ք կասկածվողն իրեն մեղավոր ճանաչում է թե վոչ:

բ) Համր, խուլ կամ արձանագրու-

թյուն կազմողին անհասկանալի լեզվով խոսող անձերի հարցաքննությունների ժամանակ հրավիրվում է թարգման կամ այնպիսի անձ, վորը հասկանում է համրի յեվ խուլի խոսակցության նշանները: Թարգմանների մասնակցության մասին հիշատակվում է արձանագրությունների մեջ, վորոնք յեվ պետք է ստորագրեն (հոդ. 143 յեվ 170 Քր. Դատ. Որ.):

գ) Տուժածին, վկաներին յեվ կասկածվողներին պետք է թույլ տալ անձամբ գրելու իրենց ցուցմունքները, յեթե այդ մասին նրանք կխնդրեն (հոդ. 142 և 171 Քր. Դատ. Որ.):

դ) Անպայմանորեն արգելվում է բռնաճակ մեղադրվողի կամ այլ հարցաքննվողների ցուցմունքների յեվ գիտակցության վրա յեվ կամ այլ միջոցներով ազդել նրանց վրա արձանագրություններ կազմելիս (հոդ. 139 Քր. Դատ. Որենսգրքի):

8. Յուրաքանչյուր ցուցմունք պիտի ստորագրված լինի ցուցմունք տվողի կողմից: անգրագիտության դեպքում նրա փոխարեն ստորագրում է նա, ում վոր նա վստահում է յեվ այդ մասին բերանացի խնդրում:

9. Յեթե վորյեվե մեկը հրաժարվում է ստորագրել իր տված ցուցմունքն, ապա այդ մասին հիշատակվում է արձանագրության մեջ:

10. Յուրանչյուր ալ ձանագրության վերջում պիտի լինի արձանագրությունը կազմողի ստորագրությունը:

11. Իրային ապացույցները՝ զենքը, վորով կատարվել է հանցագործությունը, կեղծ փաստաթղթերը, կեղծ դրամանիշները, թուլինի մնացորդը, արնոտած կամ վնասված առարկաները յեվ ընդհանրապես այն ամենը, ինչ վոր գտնված է զննման ու հանույթների ժամանակ, վորոնք կարող են պարզաբանել հանցագործությունը կամ հանցագործի անձնավորությունը, նույն թվում յեվ գողացած կայքը, պետք է մանրամասնորեն ցուցակագրվի արձանագրության մեջ, ճշտորեն մատնանշելով, թե վորտեղ յեվ ինչ հանգամանքներում են դրանք գտնվել յեվ ինչո՞ւ այս կամ այն առարկաները կցված են արձանագրությանը, վորպես իրային ապացույցներ:

ԾԱՆՈԹՈՒԹՅՈՒՆ — ա) Խուզարկությունների մասին կազմած արձանագրություններին պիտի կցված լինի իրային ապացույցների մանրամասն ցուցակը, կազ-

մըված խուզարկության վայրում (հոդ. 186 Քր. Դատ. Որենսգ.):

բ) Խուզարկությունների և հանույթների մասին ամեն տեսակ հայտարարություն և պահանջ պետք է մուծվի արձանագրության մեջ (հոդ. 188 Քր. Դատ. Որենսգ.):

գ) Արձանագրության և իրային ապացույցների ցուցակի պատճեն տրվում է այն անձին կամ նրա ընտանիքին, վորի մոտ կատարվել է խուզարկությունը (հոդ. 188 Քր. Դատ. Որ.):

դ) Պետական համապատասխան հիմնարկներին հանձնված շուտ փչացող իրային ապացույցների ցուցակը պիտի կցված լինի արձանագրությանը:

12 Յեթե կատարվել է գույքային հանցագործություն, որինակ, գողություն, ապա արձանագրության մեջ պիտի ցույց տրվի գողացված իրերը և յուրաքանչյուրի արժեքն առանձին, տուժածի գնահատությամբ:

13. Հրդեհների մասին կազմվող արձանագրությունների մեջ պիտի նշանակվի՝

ա) հրդեհի ժամանակը, բ) տեղը, փողոցը, տան Ա՝—Ը, գ) ինչպիսի շենքեր են այրվել՝ քարի թե փայտի և տանտիրոջ անունը, ապահովագրված են արդյոք և ինչ գումարի,

դ. վնասների ընդհանուր գումարը, ցույց տալով վնասվածքներից յուրաքանչյուրի, ինչպես շենքի, նույնպես և շարժական կայքի վնասի գումարն առանձին, յեվ յե) ի՞նչ պատճառով յեվ ում հանցանքով ե հրդեհ առաջացել:

14. Հանկարծամահների և ընդհանրապես մեռած դիակների մասին կազմած արձանագրությունների մեջ ցույց ե տրվում յերբ և ի՞նչ հանգամանքներում ե հայտնաբերված դիակը, ով ե հայտնաբերել և բժշկի քննության յեզրակացության արդյունքը, մահվան պատճառների մասին:

15. Ժողովրդական առողջապահության կանոնների խախտման համար յեղած արձանագրությունները կազմվում են բժշկի ներկայությամբ, վորը և ստորագրում ե այն:

Միլիցիայի Տեսուչ՝

Խ. ԻԳԻԹԽԱՆՅԱՆ



ՀՀ Ազգային գրադարան



դ. վնասների ընդհանուր դուժարը, ցույց տալով վնասվածքներից շուրթաքանջյութի, ինչպես շենքի, նույնպես և շարժական կալերի վնասի դուժարն առանձին, յեվ յե) ինչ պատճառով յեվ մեծ հանցանքով և հրդեհ առաջացել:

14. Հանկարծամասների և բնդանդաղես մեռած գիւղիների մասին կազմած արձանագրութեանների մեջ ցույց է արվում յերբ և ինչ հանգամանքներում և հայտնաբերված գիւղեր, հզ և հայտնաբերել և բռնիքի բնութեան յեզրակացութեան արդյունքը, մանկան պատճառների մասին:

15. Ժողովրդական առողջապահութեան կոմիտեների իւրեանց համար յեղած արձանագրութեանները կազմվում են բռնիքի ներկայութեամբ, գործ և ստորագրում և տպ:

Միլիցիայի Տեսուչ

Խ. ԻԿԻՔԻԱՆՍԱՆ

